

Infuormaziuns

november 2023

Stimats genituors

Davo las prümas eivnas da scoula ed eir las vacanzas d'utuon Tils lessa salüdar cordialmaing. Sco minch'on cumainzan lura ter svelt preparativs per Nadal, i stan cuort avant porta ils discuors da genituors e dapö l'on passà faina eir regularmaing dis da visita ufficials per genituors.

Dis da visita per genituors

Sco manzunà fingià in avuost, han lö da **lündeschdi 13 november fin in marcurdi 15 november 2023** trais dis da visita ufficials illa scoula da Scuol. In quists dis han genituors la pussibiltà da dar ün cuc i'l andamaint da scoula. I nu fa dabsögn d'ün'annunzcha ouravant, i's po simplamaing cumparair illa lecziun e's far ün purtret da l'instrucziun in scoula. L'idea es propcha da far quists dis ün'instrucziun regulara e na far produenziuns specialas chi vegnan fattas in otras occasiuns. Per cha quai saja pussibel, es mincha magistra e magister dependent dal sustegn da genituors e fixa cun quai svesch ingio cha'ls genituors dessan per exaimpel sezzer giò o dà cuntschaint sch'ella/el ha amo otras preferenzas. Implü vaina amo seguaints giavüschs e sperain a l'incletta dals genituors:



- per plaschair gnir in stanza e sortir da la stanza da scoula be al cumanzamaint ed a la fin d'üna lecziun
- our da motivs da protecziun da datas nu dessan gnir fattas ningünas fotografias e ningüns videos da scolaras, scholars, magistras e magisters
- i nun es previs cha bes-chas (eu pens in prüma lingia a chans) gnian in scoula
- scha genituors piglian eir ad uffants pitschens illas lecziuns, giavüschaina da pisserar cha quels stettan quiets e nu disturban a scolaras, scholars e personas d'instrucziun.

In cas da dumondas ouravant stan las magistras e'ls magisters jent a disposiziun. Cun quai cha las personas d'instrucziun sun però plainamaing fatschendadas cull'instrucziun, nun esa pussibel da far dumondas specificas da l'agen uffant d'ürant quists dis da visita. Quellas dumondas vegnan scleridas in discuors da valütaziun in december e schner o in cas specials cun far giò otramaing ün termin culla persuna d'instrucziun pertocca.

Las scoulinas realiseschan ils dis da visita independentamaing da la scoula primara e'l schalin ot. Davart datas e variantas da far visita in scoulina vegnan Els infuormats directamaing da las muossadras.

Nus ans allegrain da Lur visita.

Uorden da chasa da scoula

L'ultim uorden da chasa da scoula d'eira gnü fat amo i'l ultim tschientiner, dals ons novanta. Dürant quists ons s'ha müdà fich bler ed eir la convivenza tanter umans es uossa tuot ün'otra. Perquai d'eira uossa eir il mumaint da far eir amo sün palperi ils adattamaints chi vegnan „vivüts“ vairamaing fingià daspö lösch e dad avoir uschè üna basa legala in chosa. Ils urdens da chasa sun publicats sülla pagina d'internet da la scoula da Scuol. Els vegnan eir agiunts a quista circulara.

Nadal da scoula 2023

Ils ultims duos ons vaina realisà festas da Nadal da scoula in differentas manieras. Davo las reacziuns positivas dal prüm on vaina pudü comunichar l'on passà cha eir in avegnir decidna dad on ad on in che fuorma cha no festagiain il Nadal da scoula. Detagls davart il 2023 gnaran elavurats il prossem temp e gnaran dats cuntschaint directamaing da las persunas d'instrucziun da classa.

Il Nadal da primara varà lö in e dadoura chasa da scoula.

Il s-chalin ot – scholaras, scholars e persunas d'instrucziun - faran alch special a mezdi e la saira daraja ün Nadal public in baselgia.

Tuot quists arrandschamaints varan lö in venderdi, 22 december 2023.

Nus ans allegrain da la cumparsa da blers paraints e genituors.

Nus Tils ingrazchain fich pella collavuraziun e giavüschain a tuots ün bel temp d'utuon.

Amiaivels salüds



Mario Rauch, manader da scoula

Bemerkung: Die allgemeine Korrespondenz der Gemeindeschule Scuol wird in der offiziellen Gemeindesprache verfasst, d. h. auf Romanisch. Das Schulsekretariat steht aber gerne zur Verfügung, um Eltern anderer Sprachen, telefonisch genauere Auskünfte zu geben. Die offiziellen Öffnungszeiten des Schulsekretariats sind in der „Gazetta da scoula“ publiziert.

Nota: A correspondência que a escola manda a todos os pais é escrita com a língua oficial da cumuna, ou seja o rumantsch. O secretariado da escola está á disposição das encarregados de educação em caso de duvidas. O horario do secretariado está publicado en „Gazetta da scoula“.